

ა(ა)ი.პ ქედის სახელოვნებო სკოლა

2025 წლის საქმიანობის ანგარიში

ა(ა)ი.პ ქედის სახელოვნებო სკოლა წარმოადგენს სკოლის გარეშე სახელოვნებო-საგანმანათლებლო დაწესებულებას, რომლის მთავარი მიზანია მოსწავლეთა შემოქმედებითი უნარების განვითარება, ეროვნული კულტურის პოპულარიზაცია, სახელოვნებო განათლების ხელშეწყობა და ნიჭიერი ახალგაზრდების მომზადება პროფესიული და უმაღლესი სახელოვნებო განათლების მისაღებად.

სკოლა უკვე 59 წელია წარმატებით ემსახურება ქედის მუნიციპალიტეტს და მნიშვნელოვან როლს ასრულებს მუნიციპალიტეტის კულტურულ-საგანმანათლებლო ცხოვრებაში. სასწავლო პროცესი მიმდინარეობს კულტურის ცენტრის პირველ სართულზე, სადაც განთავსებულია 9 სასწავლო კაბინეტი და სარეპეტიციო სივრცე.

2025 წლის განმავლობაში სკოლაში სასწავლო პროცესი შეუფერხებლად მიმდინარეობდა. განსაკუთრებული ყურადღება ეთმობოდა მოსწავლეთა შემოქმედებითი შესაძლებლობების განვითარებას, სასწავლო პროცესის ხარისხის გაუმჯობესებას, „კულტურულ-საგანმანათლებლო ღონისძიებებში აქტიურ მონაწილეობასა და ქართული კულტურის პოპულარიზაციას.

2025 წლის განმავლობაში სკოლაში ფუნქციონირებდა შემდეგი სასწავლო მიმართულებები:

- საფორტეპიანო;
- საორკესტრო;
- ქორეოგრაფიული;
- გიტარის კლასი;
- ფანდურის კლასი;
- ვოკალური მიმართულება (ესტრადა);
- საგუნდო კლასი;
- დოლის კლასი;
- ანიმაციური ფილმების სტუდია;

ანიმაციური ფილმების სტუდია სკოლაში 2023 წელს დაფუძნდა და მოსწავლეებს შესაძლებლობას აძლევს შეისწავლონ ანიმაციის თანამედროვე

ხელოვნება,შემოქმედებითი პროცესის ძირითადი პრინციპები და განვითარონ თანამედროვე ციფრული უნარები.

მოსწავლეთა კონტიგენტი

2025 წლის მდგომარეობით სკოლაში სწავლობს 386 მოსწავლე, მათ შორის:

- საფორტეპიანო _76 მოსწავლე
- საორკესტრო - 22 მოსწავლე
- ქორეოგრაფია - 162 (115 გოგო და 47 ბიჭი)
- გიტარა - 20
- ფანდური -35
- საგუნდო მიმართულება -35
- ვოკალური მიმართულება (ესტრადა) – 10
- დოლი - 8
- ანიმაციური ფილმების სტუდია - 8

მოსწავლეთა კონტიგენტის ზრდა ნათლად ადასტურებს, რომ ქედის სახელოვნებო სკოლა ადგილობრივი საზოგადოებისათვის ერთ-ერთ მნიშვნელოვან საგანმანათლებლო და კულტურულ ცენტრად ჩამოყალიბდა. აღნიშნული ზრდა, ერთი მხრივ,სკოლის წარმატებული საქმიანობის,ხარისხიანი სასწავლო პროცესისა და საზოგადოების მაღალი ნდობის შედეგია, ხოლო, მეორე მხრივ აჩენს ინფრასტრუქტურის შემდგომი განვითარების, სასწავლო სივრცეების გაფართოებისა და მატერიალურ-ტექნიკური ბაზის გაძლიერების აუცილებლობას,რათა სკოლამ მომავალშიც შეძლოს ყველა მოსწავლისათვის თანამედროვე სტანდარტების შესაბამისი და ხარისხიანი სახელოვნებო განათლების უზრუნველყოფა.

სკოლაში დასაქმებულია 7 ადმინისტრაციული თანამშრომელი და 17 პედაგოგი.თითოეული მათგანი საქმიანობას ახორციელებს შესაბამისი პროფესიული განათლების, გამოცდილებისა და კვალიფიკაციის საფუძველზე.

პედაგოგიური კოლექტივი მუდმივად ზრუნავს სასწავლო პროცესის ხარისხის გაუმჯობესებაზე,თანამედროვე სწავლების მეთოდების დანერგვაზე,მოსწავლეთა შემოქმედებითი შესაძლებლობების განვითარებასა და მათ აქტიურ ჩართულობაზე კულტურულ,საგანმანათლებლო და სამემსრულებლო საქმიანობაში.

2025 წლის განმავლობაში სკოლის მოსწავლეები და პედაგოგები აქტიურად მონაწილეობდნენ მუნიციპალურ,რეგიონულ,რესპუბლიკურ და საერთაშორისო ფესტივალებში,კონკურსებსა და კულტურულ ღონისძიებებში, სადაც ღირსეულად

წარმოაჩინეს ქედის მუნიციპალიტეტი და აჭარის რეგიონი, მოიპოვეს არაერთი წარმატება და მნიშვნელოვანი აღიარება.

2025 წლის განმავლობაში განხორციელებული ღონისძიებები და პროექტები;

ქედის სახელოვნებო სკოლამ 2025 წლის განმავლობაში აქტიურად განახორციელა კულტურული, საგანმანათლებლო და შემოქმედებითი ღონისძიებები, მონაწილეობა მიიღო ადგილობრივ, ეროვნულ და საერთაშორისო ფესტივალებში, წარმოაჩინა მოსწავლეთა შემოქმედებითი შესაძლებლობები და ხელი შეუწყო ქართული კულტურის პოპულარიზაციას.

2025 წლის განმავლობაში განხორციელდა შემდეგი მნიშვნელოვანი აქტივობები:

- საერთაშორისო ფესტივალი „ბორჯომი-ბაკურიანი 2025“ მონაწილეობა მიიღო ქორეოგრაფიულმა ანსამბლმა „საუნჯე“
- ბორჯომის მუნიციპალიტეტი - აწყურის კულტურის ცენტრში გამართულ ბავშვთა და მოზარდთა ფოლკლორის ფესტივალი, სადაც მონაწილეობა მიიღო ქორეოგრაფიულმა ანსამბლმა „საუნჯე-მ“ და მოიპოვა I ხარისხის დიპლომი და ლაურეატის წოდება.
- თბილისში გამართულ საერთაშორისო ფესტივალში „მომავალი ჩვენია“ მონაწილეობა მიიღო ფოლკლორულმა ანსამბლმა „ჩანგი“-მ
- აჭარის ბავშვთა ფოლკლორული ანსამბლების ოლიმპიადაში მონაწილეობის მიღება, სადაც მოსწავლეებმა წარმოაჩინეს ქართული და აჭარული ფოლკლორის ნიმუშები;
- საქართველოს დამოუკიდებლობის დღისადმი მიძღვნილი საზეიმო ღონისძიებაში მონაწილეობა;
- ბავშვთა დაცვის საერთაშორისო დღისადმი მიძღვნილი კულტურული პროგრამები;
- საფორტეპიანო, გიტარისა და სხვა კლასების მოსწავლეთა საანგარიშო კონცერტები;
- კულტურულ საგანმანათლებლო პროექტის „არ დაივიწყო ქართული“ განხორციელება;
- ანიმაციის ვორქშოფის ორგანიზება მოსწავლეთა შემოქმედებითი უნარების განვითარების მიზნით;
- სახალხო დღესასწაულში „ქედელობა“ მონაწილეობის მიღება;
- ბათუმის სახელმწიფო დრამატულ თეატრში გამართულ გალა-კონცერტში „ახალი თაობა“ მონაწილეობა;

- საახალწლო შემაჯამებელი კონცერტის ჩატარება .

განსაკუთრებული აღნიშვნის ღირსია სახელოვნებო სკოლის შემოქმედებითი კოლექტივების წარმატებები-გრანპრები,ოქროს მედლები,საპრიზო ადგილები და საერთაშორისო გასტროლები თურქეთში,ბულგარეთსა და აზერბაიჯანში,რამაც კიდევ უფრო გაზარდა სკოლის ცნობადობა და წარმოაჩინა მოსწავლეთა მაღალი შემოქმედებითი შესაძლებლობები.

სასწავლო სივრცესთან დაკავშირებული გამოწვევები და განვითარების პერპექტივა

2026 წლიდან ქედის სახელოვნებო სკოლა ახალ კეთილმოწყობილ შენობაში განაგრძობს ფუნქციონირებას,რაც მნიშვნელოვანი წინგადადგმული ნაბიჯია სკოლის განვითარებისა და სასწავლო გარემოს გაუმჯობესების მიმართულებით.აღნიშნული მნიშვნელოვნად გააუმჯობესებს,როგორც მოსწავლეთა,ასევე პედაგოგთა სამუშაო პირობებს.

ამასთანავე,არსებული კონტიგენტის - დაახლოებით 350-ზე მეტი მოსწავლის - გათვალისწინებით 7 სასწავლო კაბინეტი ვერ უზრუნველყოფს სასწავლო პროცესის სრულფასოვნად და ეფექტიანად წარმართვას.მოსწავლეთა რაოდენობა და სასწავლო მიმართულებების მრავალფეროვნება მოითხოვს მეტ სასწავლო სივრცეს,რათა დაცული იყოს საგაკვეთილო პროცესის ორგანიზების ხარისხი,სასკოლო დისციპლინა და თითოეული მოსწავლისათვის თანაბარი და კომფორტული სასწავლო გარემო.

საკლასო ოთახების სიმცირის გამო სკოლა იძულებულია სასწავლო პროცესისათვის გამოიყენოს ადმინისტრაციული სივრცეებიც.მათ შორის, დირექტორის სამუშაო კაბინეტი სასწავლო პროცესის შეუფერხებლად წარმართვის მიზნით დღესაც გამოიყენება და ახალ შენობაშიც კვლავ საჭირო გახდება.აღნიშნული გარემოება ქმის გარკვეულ დისკომფორტს ადმინისტრაციული საქმიანობის ეფექტიანად განხორციელების კუთხით და ზღუდავს სკოლის მართვის პროცესს.

სკოლის სამომავლო განვითარების ერთ-ერთი მთავარი პრიორიტეტია ხელოვნების ახალი მიმართულების დანერგვა და დამატებითი სასწავლო პროგრამების შექმნა.თუმცა ამ მიზნის სრულყოფილად განხორციელებისთვის აუცილებელია საკლასო კაბინეტების გაზრდა,რათა სკოლამ შეძლოს როგორც არსებული კონტიგენტის ხარისხიანი მომსახურება, ასევე ახალი მიმართულებების განვითარება და კიდევ უფრო მეტი ბავშვის ჩართვა სახელოვნებო განათლებაში.

2025 წელი ა(ა)ი,პ ქედის სახელოვნებო სკოლისთვის წარმატებული,ნაყოფიერი და მნიშვნელოვანი მიღწევებით გამორჩეული წელი იყო.

წლის განმავლობაში სკოლა აქტიურად ახორციელებდა სასწავლო-საამღზრდელო პროცესს,ზრუნავდა მოსწავლეთა ემოქმედებითი შესაძლებლობების განვითარებაზე,მონაწილეობდა სხვადასხვა ადგილობრივ,ეროვნულ და საერთაშორისო კულტურულ ღონისძიებებსა და ფესტივალებში.

სკოლის მოსწავლეებმა და შემოქმედებითმა კოლექტივებმა ღირსეულად წარმოაჩინეს თავიანთი შესაძლებლობები,მოიპოვეს უამრავი წარმატებები და მნიშვნელოვანი წვლილი შეიტანეს ქედის მუნიციპალიტეტის კულტურული ცხოვრების გამრავალფეროვნებაში, ქართული ტრადიციებისა და ხელოვნების პოპულარიზაციაში.